

物邁寒潭黃庭雅弄琴三疊紫府高吟酒半酣西北文章賢太守肯將珠玉寄東南

送蓬萊州節度使鄒應中移鎮兗州

人生七十古來稀不夜功成賦式微便欲休官栽菊去還令仗節與心違行藏未出陰陽數夙夜難逃變化機異日挂冠須及早莫教林下有人譏

讚道

造物悠揚氣勢雄三光日夜轉鴻濛冥冥會合陰陽秀矯矯神奇幻化叢春去秋來生殺異天長地久古今同靈臺有箇真消息未悟那堪性不通

道藏輯要

礮溪集

九

又胃集三

達士

隨機接物外同塵應變無方內入神心地出離三界苦洞天游賞四時春金丹大藥經年久火棗交梨逐日新一服定超生死海不知誰是有緣人

靈虛觀賞梨花

妙景從來說武官周天迴斡暮春看千株白錦凝霜雪一派香風吐麝蘭羽客徘徊昇月榭高真依約下星壇神功暗結靈虛秀化作無邊碎玉團

舊遊

秦川渭水好行程不問長亭及短亭西嶽雲開仙掌白南山雨